

فہرست کتب

ہر شہر عربی ابتدائیہ اون بشندہ نشر اولور (۵۰)

جلد ۵ - جزو ۴۹ [فی غرہ ذی الحجہ سنہ ۱۳۰۳] نسخہ سی ۳ غروش



القبأ

بوگون طانیڈیغز اورویا لسانلرینک اکثریستہ بڑہ اشکال حروفی
ارائہ یہ مخصوص اولان رسائلک براسم مخصوصی یوقدر .
مثلا تعداد و ترقیمی معرف اولان کتابہ (علم حساب) نامی
و یرمشار . کلماتک افعالی، لسانک قواعدینی، گوسترن کتابارہ (صرف)
& (نحو) تسمیہ ایشمار . یا نیحون (القبأ) جزو لربنہ براسم مخصوص وضع
ایتمامشار؟ بوحالده علم حسابہ ده (برایکی اوج) کتابی دیمہ لی ایدیلر .
کندینہ مخصوص بر طلاقیت بیان ایله تفہیم مرام ایتمکده کی مهارتی
مسلم اولان وولتر (دیقسیونر فیلوزوفیقده) یعنی (قاموس فلسفہ سہندہ)
دیورک : « آنسیقلویدی (یعنی قاموس علوم) ترتیبیلہ مشغول اولان علمای
عصرہ (آلفابہ) اسمک ہیج بر اورویا لسانندہ بولغدیغنک سببی سؤال ایدہ لم .
(آلفابہ) نک معناسی (الف) (بہ) در (الف) (بہ) نک ایسہ
هیج بر معناسی یوقدر . و یا خود بو ایکی لفظ ایکی صدایہ دلالت
ایدیورکہ اوصالرک یکدیگریلہ ہیج بر مناسبتی متصور دکدر . « بت »
« آلفا » دن اصلا مشتق دکدر . بونک بریسی ایلمک و دیگری اینکچی

حرفدر . بناءً عليه بونلری توحیدك معناسی آگلاشیلهماز . بو حالده كافه علوم وفنونه مدخل اولان برشیته نصل اولمشده براسم مخصوص ویريله مامش !
(آلفابه) علم صرفك برنجی قسمیدر .

« لسان عربی تعلم ایدنلر (چونکه بن آندن حرف واحد دخی تلم) برآته طقسان اسم ویرمکه مقتدر اولان لسان مذکورده (آلفابه) نك برنام مخصوصی اولوب اولدیغنی بگا اخبار ایتسونلر .

« عربجه بیلدیگم کبی چینجه دخی وقوفم بوقدر . مع مافیه اوفاق برچینجه لغات کتابنده مطالعه ایلدیگمه نظراً چینلیر حرفلرینك فهرستی شامل اولان کتابه ایکی درلو اسم ویرییورلر . بونلردن برنجیسی (هو - تو) ایکنجیسی دخی (هایپهین) در . السنه غریبه مزده ایسه نه (هوتو) ونده (هایپهین) واردر .

« غریبه درکه روملر دخی بو خصوصده بزدن ماهر حیقامشار ، آنلرده (الفابه) دیمه نك روحه سنی یعنی (آلفاوینا) دییورلر .

« حال بوکه بو (آلفاوینا) بیده یونانیلر ازمئه قدیمه نك « ادبیات ملتی » اولان فیکه لیلزدن اخذ ایتمشلردرکه فیکه لیلرک اوزمانده ادبیاتده اولان اقتدارلری مؤخرأ اسکان ایچون مملکتلری جوارینه گلان عبرانیلر طرفندن دخی تصدیق اولنور ایدی .

« فیکه لیلر مالک اولدقلری حروفی یونانیلره ویردکاری زمان یونانیلری (سه قروپ) نك [۱] مصردن گتیرمش اولدیغنی حروفدن قورتارمش و بو صورته آنلره پک بیوک برخدمت ایتمشلردر .

« فیکه لیلر تاجر اولدقلری حیثیتله هر شیئی تسهیل ایدرلر ایدی . یعنی هر شی ایچون وسائل سهولت تحری ایدرلر ایدی . مصریلر ایسه متعدد معبودلره پرستش ایدر ، و اوصورتی دوام معیشتلرینه مدار اتخاذ ایتمش

[۱] آتمه نك بانسی و آتامی دولت قدیمه نك ایلاک حکمداری [لفظ مع]

بر نوع رهبان و یا کهنه‌دن عبارت بولندقلری جهته هر شیئی تصعیب ایتک
ایشلرینه دها موافق دوشر ایدی .

« جمعیت مدنییه بی تأسیس ایدنلر مطلقاً آنک خاجات ضروریه سنی
تدارک خدمت ایدن ارباب تجارتدر . حال بوکه تجارتده تعاطی افکار
ایچون ایکی طرفک دخی یکدیگریک لساننی آکلامسی اقتضا ایدر .
« مصرایلر تجارتیه یک کچ باشلادیلر . آنلر تلاطم دریادن زیاده سیه
قورقارلر ایدی . بحر آنلر غندنده (تیفون) [۲] نامیه بنام ایدی .

« سوردیلر تاریختک مطلع اولمدینی زمانلرده دخی بحرأ اجرای
سیاحت و تجارت ایله مشغول ایدیلر . آنلر طبیعتک تفریق ایلدیگی ملل
واقوامی توحید و بوکره نك تأثیر انقلابات ایله نوع بشرک بر بیوک قسمتی
دوچار ایلدیگی فلاکتلری تعمیر و ازاله ایلدیلر . یونانیسلر دخی تجارتلرینی
وسهل الاستعمال اولان (آلفابه) لرینی ملل واقوام سائرده اعطا و تعمیم
ایلدیلر . شوقدر وارکه آنلر سوردیلردن (آلفابه) بی آلدقلری زمان بعض
یرلرینی تبدیل و تغییر ایتمش اولدقلری گئی اقوام سائره دخی بو (الفبا) ده
بعض تغییر اتده بولندیلر . مؤخرأ غیر متقدم اقوام طرفندن کنیدیارینه نیم
معبود نامی و یریلان تجار یونانیه « پوست ذهب » تعمیر اولان فروه تجارتی
ضغنه (قولشیده) [۳] کتدکلری زمان کنیدیارینه مخصوص اولان
حروفی احوالیده متمکن اقوامه اعطا واقوام مرقومه دخی سائرلری گئی
بعض تعدیلات ایله بو حورقلری محافظه ایلدیلر .

« بناءً علیه شمعی ترکلرک زیر اداره سسنده بولنان اقوام مرقومه
ملت حاکمه لرینک الفبالرینی اخذ واستعمال ایلدیلر . [۴]

[۲] اساطیر مصریده معبود شرایدی .

[۳] قافقاسیانک بجهت جنو بنده اسکی بر مملکت .

[۴] وولترک دیدیگی کی ترکلرک الفباسنی آنلر اخذ واستعمال ایتدمنلک ایتدیلر
بلکه ترکلر تحت اداره لرنده بولنان اقوامه کندی الفبالرینی قبول واستعمال ایتدیرمئلک
بولنی ایتدیلر . نأسف اولنورکه حالا دخی بیتلیور و اوکر تکده ایستقیورز . [لاطابع]

« آسیانك بحر سفید جهتندہ متمكن اقوامندن هج بری، یعنی نه سورلی و نده مصرلیلر شرق آسیا اقوامنه (آلفابه) لرینی اعطا ایتماشلردی مثلا سورلیلر و یاخود اوزمانده فرات وادیسندہ متمكن بولنان کلدانیلر کندی حرفلرینی چینیلره و یرمش اولسیدیلر شمعی مطلقا چینده حروف مذکوره ایله یازلمش بعض آثار بولمق لازم گیر، و چینیلر دخی یگریمی ایکی یگریمی اوج و نهایت یگریمی درت حرفه مالک بولنورلردی. حال بوکه چینیلر بالعکس لسانلرینی تشکیل ایدن هر برکله اینجون آیری برر اشاره مالکدولر. »
 « رواسته نظراً چینیلرک (آلفابه) سی سکسان بیك حرف و یا اشارتدن عبارت بولنیور. [۵] (بو) (آلفابه) نك ایسه سورلیلرک استعمال ایلدکلری (آلفابه) ایله هج بر مناسبتی یوقدر. اوبزم (آلفابه) مزندن ۹۷،۹۷۶ کره دها واسع و دها شمولیدر. »

« بوفرقت عظیمه برده شونی علاوه ایتلیر که چینیلر یوقاریدن آشاغی یعنی عمودی بر وضعده یازدقلری حالده سریانیلره و کلدانیلر صاعدن صوله بر وضع افقیده یازارلر ایدی. یونانیلر ایله اوروپالیلر ایسه ینه بو وضعده، فقط صولدن صاغه طوغری یازیورلر. »

« تاتارلرک، هندیلرک، سیامیلرک و چاپونیالیلرک حرفلرینی تدقیق ایدیگر یونان و فنیکه حروفی ایله هج بر مشابهتی بوله مازسکر. مع مافیه اقوام مرقومه نك کافه سی، حتی (هواتسو) و (کافرستان) وحشیلری بیله بزم گی صدالی و صداسز حرفلری تالفظ ایدیورلر. چونکه آنلرک حلقومنک صورت ترکی عینله بزم حلقومنز گیدر. نیشه کیم قبا برکویلنک بوغازی اوپرا تیاتروسندہ کی برنجی مغنیه نك بوغازینک عیدر. او قبا کو یلیده صدایی قالین و قبا چیقاران و بری طرفده مغنیه نك صداسی آواز و بلبل گی سامعه نواز

[۵] بوندن برعصر اولکی تحقیقاتک اکثریا اقوال مجرده و یا روایتدن عبارت قالدیغه بوده بر دلیل آنردر. زیرا بوکون اصح اولدق ییلور که چینیلرک مجموع حروف ۲۴،۳۲۵ اشارتدن عبارتدر. »

قيلان اسباب بيننده كي فرق اوقدر جزئيدركه علم تشریح متجربينك هج
بری آني تشخيص و تعين ايده من . بوخصوص عادتا غبي بر آدمك دماغك
غایت ذكي بر آدمك بيننه مشابه اولسنه بگزر .

(مابعدی صکره)

بيوك فرهدريقك خصوصيت احوالی

چكلزده روسيا سرای حكمداريسي خزينه اوراقی ايچنده ظهور
ايدن بر (دفتر خاطرات) بودفعه آلمانايده تمثيل ونشر اولمشدر .
بوخاطرات بيوك فرهدريقه اوقات خاليه سنده كتاب اوقومغه مأمور
اولان هانری دوقات نام ذات طرفندن ضبط اولمشدر .

مشار اليه فرهدريق ۱۷۵۵ سنه سنده (وزل) طرفنده بولسان بر
فرقه عسكريه بي تفتيش ايتدكدن صكره لهستان قراينك موسيقي باشيسي
نام وقيافت مستعاريله آمستردامه برتزه سياحتی اجراسنی تصميم ايدر .
(اوترههت) دن بنديگی صندالده بر دلی قانلی يه تصادف اتمگله فرهدريق ،
مرقوم ايله مكالمه گيريشهرك كنديسنك ذكاسندن فوق العاده محفوظ اولور .
بودلی قانلی اسويچره اهالي سندن هانری آلکساندر دوقات استنده بری
ايدی كه اوصرده (اوترههت) مكتب عالي سنده تحصيل اوزره بولتيوردی .
اوج سنه صكره ، یعنی ۱۷۵۸ سنه سی مارتنده دوقات قرالك كتابچيسي
صفيله بره سلاو اردوگاهنده اثبات وجود ايتمشدر .

دوقات فرهدريقك فوق الغايه امنيت و محبتی قزانمش و قرالك عادتا
همدم و مصاحبی بولغش اولديغندن بيوك فرهدريقك هر سفرنده كنديسيله
برابر بولنه رقی بو مأموريتنی صلك انعقادندن صكره دخی ، یعنی ۱۷۸۰
سنه سينه قدر محافظه ايتمشدر .

مومی اليه ۱۷۵۸ سنه سندن ۱۷۶۳ سنه سينه قدر گذران ايدن